

প্রথম পাতা:

ইসলামিক ফাউন্ডেশনে মার্কিন রাষ্ট্রদূত বাংলাদেশের মানুষের মধ্যে ধর্মপরায়ণতা ও আধুনিকতার অপূর্ব সমন্বয় ঘটেছে



মার্কিন রাষ্ট্রদূত প্যাট্রিসিয়া এ. বিউটেনিস বৃহস্পতিবার ইসলামিক ফাউন্ডেশন লাইব্রেরী পরিদর্শন করেন

।। ইস্তেফাক রিপোর্ট ।।

বাংলাদেশে মার্কিন রাষ্ট্রদূত প্যাট্রিসিয়া এ বিউটেনিস বলেছেন, বাংলাদেশের মানুষের মধ্যে ধর্মপরায়ণতা ও আধুনিকতার অপূর্ব সমন্বয় ঘটেছে। এদেশের মানুষের ধর্মীয় সহিষ্ণুতা প্রশংসার দাবি রাখে। বন্ধু-বাৎসল্য, অতিথিপরায়ণতা ও আন্তরিকতা বিদেশীদের মুগ্ধ করে। খাঁটি মুসলমান হয়েও তারা আধুনিক মনোভাবাপন্ন। এদেশে নির্ভয়ে-নির্দিধায় যত্রতত্র ঘুরে বেড়ানো যায়। বাংলাদেশ দক্ষিণ এশিয়ার একটি ব্যতিক্রমী মডারেট মুসলিম রাষ্ট্র। মার্কিন রাষ্ট্রদূত গতকাল বৃহস্পতিবার বায়তুল মোকাররম ইসলামিক ফাউন্ডেশন কার্যালয় পরিদর্শন শেষে মহাপরিচালকের কক্ষে আলোচনাকালে এ অভিমত প্রকাশ করেন। তিনি ফাউন্ডেশনের লাইব্রেরি, জাতীয় মসজিদের উন্নয়ন কর্মকাণ্ড ও অন্যান্য বিভাগ ঘুরে দেখেন। লাইব্রেরিতে বিভিন্ন ধর্মতত্ত্ব, সমাজতত্ত্ব, রাষ্ট্রনীতি, অর্থনীতি, সংস্কৃতিসহ বিপুলসংখ্যক গ্রন্থের দুর্লভ সংগ্রহের প্রশংসা করেন। তিনি ফাউন্ডেশনের আর্থ-সামাজিক কার্যক্রম বিশেষত ইমাম প্রশিক্ষণ কার্যক্রমের প্রশংসা করেন। এক্ষেত্রে সবারকম সাহায্য-সহযোগিতায় আর্থহ প্রকাশ করেন। এ সময় ফাউন্ডেশনের মহাপরিচালক মোহাম্মদ ফজলুর রহমান, পরিচালক মোহাম্মদ আবুল খায়ের ও মোহাম্মদ সিরাজুল হক, জনসংযোগ কর্মকর্তা মোহাম্মদ তৌহিদুল আনোয়ার, মার্কিন দূতাবাসের সেকেন্ড সেক্রেটারি লুক জানার, পলিটিক্যাল অফিসার মোহাম্মদ আলী প্রমুখ উপস্থিত ছিলেন। মহাপরিচালক রাষ্ট্রদূতকে একসেট পুস্তক উপহার দেন।